



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

V. Sequenti capite Leo sancit supremum Thessalonicensis antistitis  
imperium in provincias Illyricianas, dum ei tribuit auctoritatem coërcendi  
universos provinciarum illarum Clericos.

**urn:nbn:de:hbz:466:1-15617**

quæ extra conscientiam ejus præsumeretur.  
Sicut enim, inquit, justas electiones nullis dilatationibus volumus fatigari, ita nihil permittimus te ignorantie presumi.

II I. Sequens caput pertinet ad gravissimum caput disciplinæ, quod in causarum iudicio versatur. Decernit itaque secundum decreta patrum ut bina per annum in unaquaque provincia Episcoporum Concilia celebrentur, in quibus de omnibus querelis quæ inter diversos Ecclesiæ ordines nasci adsolent judicetur. Quod si causa quæpiam gravis sive major inciderit, quæ provinciali nequeat examine definiri, præcipit ut provincie illius Metropolitanus relationem de toto hoc negotio mittat ad Episcopum Thessalonicensem, similique partes ad illum veniant. Quod si coram positis partibus res non fuerit sopia iudicio Anastasi, ad Romani Pontificis cognitionem quicquid illud est transferendum esse. Hic locus, minimè alioquin obscurus, lucem accipiet ex prima Leonis epistola ad Anastasium, quæ illi vices suas commitit per Illyricum. Servata ergo synodus provincialibus auctoritate, tum demum de causis illius provinciæ ad Anastasium fieri debere relationem sancit, si causæ quæ illic natae fuerint, in provinciali non potuerint examine terminari. Quod si quæ causa ita gravis fuerit, ut neque in synodo provinciali, neque in maiore synodo sub presentia Anastasi potuerit definiti, consulendam esse apostolicam sedem per literas Anastasi, ut sedis istius examine finiatur, pro traditione veteris instituti & debita apostolicae sedis reverentia. Quænam autem fuerint causæ illæ, sic statim explicat Leo, nimirum majores, id est, difficiles & arduæ, quæ gravissimis contradictionibus jaçtatae sunt in provinciis, tum etiam eorum qui causa in provinciali examine ceciderant appellations ad Pontificem Romanum.

*Vt enim, inquit, auctoritatem tuam vice nostra exercere volumus, ita nobis quæ illuc componi non potuerint, vel qui vocem appellationis emiserit, reservamus. Idipsum repetit in fine epistola ad Episcopos Metropolitanos per Illyricum constitutos, his verbis: Si que verò cause graviores vel appellations emercent, eas sub ipsius relatione ad nos miseri debere decreverimus, ut nostra secundum ecclesiasticum morem sententia finiantur.*

IV. Transit postea Leo ad ambitionem quorundam Episcoporum. Olim paupere adhuc Ecclesia, cùm pro nomine Christi certatim gloria in certamina ruebatur, quando dubium non erat episcopatum esse veluti gradum quandam ad crudelissima supplicia, nullus ambitioni locus erat, & Episcopi ut plurimum ordinabantur invitati. Post

Tom. II.

fundatam deinde ac stabilitam apud omnes ubique gentes fidem Christianam, cùm martyria defisiunt, cùm Episcopi cœpissent in honore esse, crevissentque opes, episcopatus, ut Sulpitius Severus ait, pravis ambitionibus appeti cœperunt. Tandem eò ventum est ut Episcopi minorum sedium avaritiae & ambitionis stimulis incitati, spretis civitatis suis, ad majores aspirarent; ut docet eleganter Osias in canone primo Sardicensi, his verbis: *Non minus mala consuetudo quam perniciosa corruptela funditus eradicanda est, ne cui licet Episcopo de civitate sua ad aliam transire civitatem. Manifesta est enim causa qua hoc facere tentat, cùm nullus in hac re inventus sit Episcopus qui de majore civitate ad minorem transiret. Vnde appareat avaritie ardore eos inflammari, & ambitioni servire, & ut dominationem agant. Præcipit igitur Leo, ut si quis Episcopus, civitatis sua mediocritate despecta, administrationem loci celebrioris ambierit, & ad majorem se plebem quacunque ratione transstulerit, & à cathedra pellatur aliena, & propria caret; ut nec illis præsideat quos per avaritiam concupivit, nec illis quos per superbiam sprebit.*

V. Sequenti capite Leo supremum Thessalonicensis antistitis imperium sancit in provincias Illyricanas. Nam cùm statuisse ne quis alienum Clericum invito proprio ipsius Episcopo susciperet, aut sollicitaret, nisi forte ex placito caritatis id inter dantem accipientemque conveniret, edicit ut Clericus transfuga ad Ecclesiæ suam reducatur cum auctoritate Metropolitani illius provinciæ; si verò longius recesserit, id est, ex sua provincia in aliam provinciam Illyricanam se contulerit, revocandum esse cum auctoritate Episcopi Thessalonensis, quæ ad cunctas provinciarum illarum causas porrigebatur.

V. I. Reliqua istorum mandatorum capita pertinent ad celebrationem Conciliorum generalium Dioecesos Illyricane. Edixerat Leo, præcludere studens viam ambitioni a fastui, ut diximus, id servandum esse, ut generale Concilium non frequenter, neque pro levibus causis, congregaretur, sufficeret porrò binos ternosve Episcopos de singulis provinciis adesse, vitandis sumptibus, & propter fatigationem Episcoporum è longinquο venientium. Nunc itaque, tanquam exprimareret præteritam temeritatem, jubet Anastasium in evocandis Episcopis esse moderatissimum, ne per majoris diligentiae speciem fraternalis gloriari videretur injuris. Atamen si causa aliqua major erit, ob quam rationabile ac necessarium sit fraternalum advolare conventum, tum verò ait posse congregari synodus, sic tamen ut necesse non sit omnes

*Vide supra cap. 26, §. 9.*

L